

善惡无有精養有无相生精養相形不能究竟非智慧者了然淨明明而不耀用行捨藏凡不能剛正心治身檢口守寂三業无違道足神具沈浮自在高舉六通號為梵行高於俗去地昇手天六度冠梵行七覺登大羅非下聖中真所可及及次仙賢者豈能逮哉至於小智大迷小惠大惑執无著有彼此相傷邪來干試不度不知遂陷退方非智慧也智慧賢者精進進功德超殊亦得上合合則魔消宜須勇猛後身先達子諦宣之金關帝君稽首奉行

洞真太上說智慧消魔真經卷之三

洞真太上說智慧消魔真經卷之四 內四

證聖品

太上告青童君曰衆聖積功因緣致果果極證備妙姿絕倫救度三十六天故得三十六相生成八十一品故得八十一好一切大感共觀具形小感篇應各現多少少現多藏凡不能覺是以衆聖真體无定質定有常无增无減知之者希故為獨貴然志學之士通照雖未圓周至於所見隨識觀音識眉眼者矚眉眼特異識鼻口者覺鼻口超殊如是三十有六各隨識明明極識過乃具朗為一切含烝同少異多多无鞅數少極乎一一未可至此同路避方須治練練多還少少未至一尚有三十六階階為一天有一巨異巨異為一天之極極三十六者乃會一源是以會之之方各立科術法迹參差或同或異異同之根以善為本本一分應成三十六三炁三界備在其中色通其外外得忘言得之三十有六三十六天各有其一絕勝之相太上備有諸天人真人仙人聖人神人各有多少諸世

間人帝王公侯至于凡庶又各有多少富貴而天貧賤而富无家宅守而有師君有宮弟舍而无資待或多財寶不事衣冠或豐飭味不營屋室乃至樹下草庵名聞高顯或華堂麗苑以振芳風又有瓊臺无道石戶有德參差億緒勝負萬端上有下事下有上業因緣不同修行各異不得相非非則傷識識神全通通在玉德德玉能備諸迹可忘迹迹而迹存自然相好具足三十六則貴當才明威嚴光彩超衆絕倫宮宇城邑寶蓋床帷香花伎樂侍衛參羅文武羽翼幢鼓高宏風雲清和動靜相附日月炎光萬色衣冕百和滋味身口豐盈須與不須適意自在无上真人太一元君積學善究竟得斯未得者轉輪生死死生苦樂一有一无識不能通滯則失倫倫失墮惡未有遠期期還向善是今學子各精自揆何有何无求其所无不滯所有有能贖物无則自臻凡有錢財而无才解宜行布施不生怯心輕財貴道才解日新若有宅宇而无康寧宜納賢聖舍住真仙心无悔惜憂

患自消若有衣食而无長年宜減身割口供
養明師尋求奇方修習妙術心不懈怠必保
延生若有才智而无居粮宜藏明内觀竅化
後生開導一切不名其功謙退晦迹心不懷
疑神明所護人鬼所崇自得廣宇天宮福堂
衣食靈異侍衛鮮華凡如此類以推眾事
自現彰不復具記明者得之捨有而求无
不必得得无在无滯无滯在不拘彼求則與
无固執為此為无滯非為捨也彼雖不求有
之勞慮存避與他是名為捨非无滯也捨此
與彼滯此之无尚非道也又求而與之我雖
不執彼得成災此餘不滯亦非道也道不滯
妙妙者照明我捨无損彼得有益是名為道
智慧人也施與多方宜與不宜得宜者是智
慧失宜者是愚癡癡在雖施乖智慧也又物
來求我詳量虛虛者試我也實者憑我也
憑者有善惡試者有精廉廉試者破而推之
精試者辭而謝之謝之者聖師善神以事試
我我无妙德德未備充致試今來精識意趣
已知已了无復惑心以此辭之是為智慧推

之者五魔三毒變化試之未明吾術未信善
威於是治之誅責劾伏使之歸降能勝魔怨
是名智慧被試驚怖律律速感是為不度非
智慧人非智慧人陷入魔黨能悟邪群自拔
得出出邪還正正心誓志堅无退轉譽來不
善毀至不慈解之有方消之有法直置毀譽
无屑中懷修行正法道德无懈毀譽自弭是
智慧也彼來加犯犯不校計可言言正不可
則已嘿識神道潛指犯加加犯自歇无生報
之心心不懷報道德日隆惡徒惡之不能中
傷及自受擊乃更悲之哀念愚頑不得逞快
用心若此是智慧也一切凶人反逆无狀詬
道誚德呵天罵地毀辱父母誹謗師君嫉妬
親友說賊善人有能容忍受枉不瞋解喻不
已恭順不諍全道在心是為智慧若憤激自
明申直伐枉損彼利己或殺身取名或不顧
身各肆其忿意竟而无悔或更增感結非智
慧也凡一切惡人凶禽毒獸蟲鳥營營皆應
防之防之无術術淺不獲先對既深今功德
淺報來必至至不忘道知是宿罪所招不怨

今日之苦念與仇對解釋因緣不生惡意強
梁加之然其初來輕重未測先設方法說喻
咒願種種釋之務令兩不相傷縱復刀杖恐
憎使退必无殺害重增怨讎力設方術不能
卻之分受毀壞以酬宿對不起報彼之心存
道求後免此為智慧凡聰明而貪賤聞塞
而富貴仁慈而短祚詭害而長年无罪而罹
禍有豐而逸遊皆各報對毫分无差明通者
了昧滯者疑疑不能遣遣不求非智慧也智
慧者无疑无疑者有識識三十六天地明三
十六妙行吟三十六真音群魔滅矣矣三尸
極凶謂為三毒毒害人命急宜除之守一精專
三尸自滅一无形象无欲无為求之難得守之
易失失由識闇不能進明貪欲滯心致招衰老
得善失曠致招疾病速者不改致招死殞殞
及老三尸所延治救保全唯先守一非一不濟
非一不成守一恬快爽心寂求損欲抑德反述
入正廓然无為與一為一此為上上之人先身
積極所致也中中以上先善未積積而未極
皆由漸昇當存三元誦識神炁狀貌名字出入

有元主鎮三官三尸必落三元又妙非可即
 弘當勸行善五德備修萬善日積千魔敢干
 尸毒既去練閉成明智慧神通長生不死聖
 真神仙隨因受果昇玄化世順運去來自測
 測人觀身觀物皆有證驗精詳察之有非即
 改悔有是即堅行齋靜存思服佩藥符章表
 懺願疑實無虛無貪無欲不衰不老及童
 嬰身神光澤無喜無嗔不病不厄厄度病除
 悉力強盛無迷無嫉不死不亡不殺不殺正
 見無邪自通道人與道為一合一也號聖
 真仙欲不能寒衰不能壞嗔不能遣病不能
 差遷不能移死不能免空稱學道皆虛妄也
 虛妄之徒終陷魔黨致使世境有詐稱假名
 或號太上或名聖真矯託神仙亂惑一切自
 非實學孰能正之化邪保正守一明三行五
 備六六通之人無有假偽動靜皆真雖有權
 化終用真道真道之業不衰不病不死長生
 教訓不倦古今典籍過目即諸照其真偽了
 其抑揚明其漏誤洞其精蘊治定解說朗然
 釋疑施經運用肅然有驗吐言無瑕出文無

累清談動天教文曜日落筆成章序讀玄極
 或經或傳或戒或律或偈或頌或卷或疏或
 辭或牒或章或表或懺或願或訣或符或記
 或錄或少或多或繁或簡或素或華或文或
 質或淺或深隨方設教行藏不同出沒舛異
 隱顯之殊或先乖後會或前合後離離惡合
 善善為道基登言者章有難有易有溢有利
 紀直各宜一通之人百字不洽二通之人千
 言不改三通之人萬字不玄四通之人十萬
 不易五通之人百萬不拘六通之人千萬不
 點自此以外應變無窮非斯六人不可製作
 乃得撰集劫述古先皆應證引前聖謨諾慎
 勿率已宵臆而言縱言已心心未通達不入
 正法皆謂邪文少時自滅不久宣行唯彼六
 人流布無窮或隱或顯終不滅亡後學之儔
 精研此旨覺未同六莫強著書徒勞心力人
 鬼所嗤得罪玄靈方罹重拷風刀痛惱歷劫
 无原勿尚虛名輕脫妄作妄作者凶明各加
 慎凡有益无益之為有利无利之為為為无
 為為為非我我為非我我為為物為為為物

有為非為非為之為為无為也為无為者怨
 謗不生不生不傷已被自招災災加於彼痛之
 悲之念之枯之不快不縱不縱不快救之盡
 方方不能濟濟非彼堪此自常吉彼自凶凶
 陷凶非此此吉不求不求自至自至非凶自
 然是吉不知此吉非智慧人人嗔忿我我嗔
 忿之縱不報忿而不防閑坐彼罪深貽此禍
 重重禍尋來來不覺知開任為通災延不測
 未能免之非智慧也自能能教人教人能益
 己益人益勿益益无益无曰損損偽益真真
 人教人不私在己已善善人人善同己己人
 同善善練入真真道成就毀辱不來來不為
 害判无所疑疑非智慧流言謗譏不反不覆
 方便解釋悅而不嗔彼我欣然疑請雲散任
 性自是不顧祛他雖會中直未能兼弘偏莖
 有傷非智慧也非智慧者魔試日子无由得
 三十六芝无緣果三十六相不能生八十一
 好果魔不可得消滅神未得具足道場不可
 妄登登道消魔先定智慧果者畫稽首拜受奉行
 洞真太上說智慧消魔真經卷之四